



Bosna i Hercegovina
Federacija Bosne i Hercegovine
**Federalno tužilaštvo
Federacije Bosne i Hercegovine**
**Posebni odjel za suzbijanje korupcije,
organizovanog i međukantonalnog kriminala**

Broj: T21 0 KTPO 0000164 25

Sarajevo, 29.12.2025. godine

Vrhovni sud Federacije BiH
Posebni odjel za korupciju, organizovani i međukantonalni kriminal
Sudiji za prethodno saslušanje
Na broj: 70 0 1 K 000008 25

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), **p o d i ž e m**

OPTUŽNICU

Protiv:

Jasminka Knežević, kći L. i majke V. rođ. B., rođena [REDACTED] 1976. godine u Brčkom, JMBG [REDACTED], državljanka BiH i Republike Hrvatske, po narodnosti Hrvatica, sa prijavljenim prebivalištem u Tuzli, [REDACTED], sa boravištem u Sarajevu, ul. [REDACTED], nije udata, bez djece, ima VSS- završen Pravni fakultet, po zanimanju dipl.pravnik, zaposlena kao tužiteljica u Kantonalnom tužilaštvu Kantona Sarajevo, suspendovana pravosnažnom Odlukom Prvostepene disciplinske komisije Visokog sudskog i tužilačkog vijeća BiH, broj [REDACTED] od 04.06.2025. godine, dobrog imovnog stanja, neosuđivana, ne vodi se drugi krivični postupak protiv nje

Što je:

U periodu između 16.05.2025. godine i 20.05.2025. godine, u Sarajevu, kao službena osoba u Federaciji BiH, u smislu člana 2. stav 3. KZ FBiH, u svojstvu kantonalne tužiteljice Kantonalnog tužilaštva Kantona Sarajevo, na koju poziciju je imenovana Odlukom Visokog sudskog i tužilačkog vijeća BiH (VSTV BiH) od 07.12.2015. godine, putem platforme TikTok, sa profila [REDACTED], koji je koristila, komunicirala sa M.S., koji je koristio profil „[REDACTED]“ preimenovan u „[REDACTED]“, a potom i putem web aplikacije WhatsApp, koristeći svoj broj mobilnog telefona 063 [REDACTED], te je dana 16.05.2025. godine, putem platforme TikTok, iz krivičnog predmeta Kantonalnog tužilaštva Kantona Sarajevo, broj T09 0 KTO 0144956 22, koji je dana 28.12.2022. godine promijenio oznaku iz KT u KTO, a

FEDERALNO TUŽILAŠTVO FEDERACIJE BOSNE I HERCEGOVINE

Posebni odjel Federalnog tužilaštva Federacije BiH za suzbijanje korupcije, organiziranog i međukantonalnog kriminala

Adresa: Alipašina broj 6, 71000 Sarajevo,

Elektronska pošta: ft-fbih@pravosudje.ba, Web stranica: ft-fbih.pravosudje.ba

kojim predmetom je bila zadužena od formiranja istog dana 11.04.2019. godine pod brojem T09 0 KTA 0144956 19, do dana 13.06.2025. godine, svjesno i htijući to M.S. poslala fotografiju/screenshot popratnog akta Informacije Obavještajno-sigurnosne agencije BiH (OSA BiH), broj ████████/20 od 16.06.2020. godine i drugu stranicu dokumenta- Informacije, koja sadrži komunikaciju između određenih osoba, sa oznakom tajnosti: POVJERLJIVO, koji je određen 16.06.2020. godine od strane generalnog direktora OSA-e BiH i sa kojeg oznaka tajnosti nije bila skinuta, znajući da se radi o naročito povjerljivim podacima te da je Informacija vlasništvo OSA-e BiH i da se ne može ustupiti trećoj strani bez dozvole vlasnika, a koju dozvolu nije imala, znajući da je odlukom ovlaštene osobe nadležnog organa dokument koji je poslala označen oznakom tajnosti „POVJERLJIVO“ te da je članom 11. stav 1. u vezi sa članom 5. Zakona o zaštiti tajnih podataka BiH (Sl.glasnik BiH, broj 54/05, 12/09) propisano da „*svi dužnosnici iz člana 5. (tužioc i na svim nivoima u Federaciji BiH i dr.) koji imaju zakonsku ovlast za pristup tajnim podacima, imaju obavezu čuvati tajnim podatke sve do skidanja s njih oznake tajnosti, bez obzira na to kako su do njih došli*“ te znajući da navedeni dokument predstavlja službenu tajnu u smislu člana 2. stav 26. Krivičnog zakona FBiH, kojim je određeno da je službena tajna „*podatak ili isprava koja je zakonom, drugim propisom ili općim aktom nadležne institucije u Federaciji, kantonu, gradu i općini donesenim na osnovu zakona proglašena službenom tajnom*“ i u smislu člana 86. stav c) Zakona o zaštiti tajnih podataka BiH, kojim je određeno da se tajni podaci sa oznakom službena ili vojna tajna obrađuju kao „povjerljivo“, na koji način je svjesna protupravnosti svog djela i htijući to, neovlaštenoj osobi, M.S., učinila dostupnim dokument koji predstavlja službenu tajnu Obavještajno-sigurnosne agencije BiH a potom istog dana, u nastavku komunikacije, svjesna da je odredbom člana 15. stav 2. tačka a. Pravilnika o unutrašnjem poslovanju, organizaciji i sistematizaciji radnih mjesta Kantonalnog tužilaštva Kantona Sarajevo (dalje u tekstu: Pravilnik), broj A-967/24 od 06.12.2024. godine, koji je odobren Odlukom VSTV BiH, broj 06-09-5-1243-2/2025 od 09.04.2025. godine, propisano da „*svi podaci i informacije do kojih se dođe tokom obavljanja dužnosti povjerljivog su karaktera*“, M.S., kao neovlaštenoj osobi, poslala fotografiju/screenshot zadnje strane Zapisnika o saslušanju svjedoka P.S., dat u Federalnoj upravi policije, broj 12/1-156/19 od 13.12.2019. godine, koji je sačinjen po Naredbi Kantonalnog tužilaštva KS, broj T09 0 KTA 0144956 19 od 04.12.2019. godine, svjesna i znajući da sadržaj izjave svjedoka dat na zapisnik o saslušanju svjedoka u krivičnom predmetu predstavlja službenu tajnu, u skladu sa članom 2. stav 26. KZ FBiH u vezi sa članom 15. stav 2. tačka a. Pravilnika, i naročito povjerljiv podatak, na koji način je svjesno i htijući to sadržaj iste učinila dostupnim neovlaštenoj osobi.

Dakle, kao službena osoba u Federaciji BiH neovlašteno drugome učinila dostupnim naročito povjerljive podatke koji su službena tajna

Čime bi počinila krivično djelo **Odavanje službene tajne iz člana 388. stav 3. u vezi sa stavom 1. Krivičnog zakona Federacije Bosne i Hercegovine.**

P r e d l a ž e m:

Da se na glavnom pretresu provedu sljedeći dokazi:

a) Ispitivanje svjedoka:

1. S.M., Ulica [REDACTED], Sarajevo
2. D.S., MUP KS, La Benevolencija 16, Sarajevo
3. A.H., Kantonalno tužilaštvo Kantona Sarajevo, [REDACTED], Sarajevo
4. M.D., Kantonalno tužilaštvo Kantona Sarajevo, [REDACTED], Sarajevo
5. S.S., Kantonalno tužilaštvo Kantona Sarajevo, [REDACTED], Sarajevo

b) Ispitivanje vještaka:

1. A.D., Agencija za forenzička ispitivanja i vještačenja, N. Tesle 59, I. Sarajevo, nakon čega će se uložiti Nalaz i mišljenje vještaka od 21.07.2025. godine
2. V.D., [REDACTED], Sarajevo, nakon čega će se uložiti Nalaz i mišljenje vještaka od 30.06.2025. godine

c) Čitanje i uvid u:

1. Akt Visokog sudskog i tužilačkog vijeća BiH, broj: 04-07-3-2062-2/2025 od 12.06.2025. godine u čijem prilogu se nalazi:
 - a) Ovjereni fco. Odluke o imenovanju tužitelja J.K. u Kantonalno tužiteljstvo Kantona Sarajevo, Visoko sudsko i tužilačko vijeće BiH, broj: 04-07-2-3656-17/2015 od 07.12.2015. godine;
 - b) Odluka o odobravanju Pravilnika o unutrašnjem poslovanju, organizaciji i sistematizaciji radnih mjesta Kantonalnog tužilaštva Kantona Sarajevo, Visoko sudsko i tužilačko vijeće BiH, broj: 06-09-5-1243-3/2025 od 09.04.2025. godine;
 - c) Odluka o odobravanju Pravilnika o unutrašnjem poslovanju, organizaciji i sistematizaciji radnih mjesta Kantonalnog tužilaštva Kantona Sarajevo, Visoko sudsko i tužilačko vijeće BiH, broj: 06-09-5-1243-2/2025 od 09.04.2025. godine;
 - d) Ovjereni fco. Pravilnika o unutrašnjem poslovanju, organizaciji i sistematizaciji radnih mjesta, Kantonalno tužilaštvo Kantona Sarajevo, broj: A-967/24 od 06.12.2024. godine, 108 stranica;
2. Zapisnik o uviđaju, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-638/25 od 27.05.2025. godine u čijem prilogu se nalazi :
 - a) Službeni izvještaj, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-638/25 od 27.05.2025. godine;
3. Akt - MUP K Sarajevo, Sektor kriminalističke policije, broj: 02/3-1-03-13-3205/25 od 29.05.2025. godine u čijem prilogu se nalazi:
 - a) Dopis, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-5-19-10/375 od 28.05.2025. godine uz koji je dostavljena foto-dokumentacija broj OR 706/25 pohranjena na digitalni medij (CD);

4. Foto-dokumentacija, broj O.R. 706/25 od 10.09.2025.godine, Mjesto: Ulica La Benevolencija broj 16, Općina Centar, Sarajevo, Datum fotografisanja: 27.05.2025.godine (122 fotografije);
5. Zapisnik o dobrovoljnoj predaji predmeta, MUP Kantona Sarajevo, Sektor kriminalističke policije, broj: 02/3-1-644/25 od 28.05.2025.godine u čijem prilogu se nalazi:
 - a) Potvrda o privremenom oduzimanju predmeta, MUP Kantona Sarajevo, Sektor kriminalističke policije, broj: 02/3-1-93/25 od 28.05.2025.godine;
6. Akt - MUP Kantona Sarajevo, Sektor kriminalističke policije, broj: 02/3-1-03-13-3205/25 od 24.11.2025.godine u čijem prilogu se nalazi:
 - a) Foto-dokumentacija broj O.R. 713/25 od 19.11.2025.godine, sa oznakom: PREDMET: Fotografisanje mobitela, Mjesto: [REDAKTIRANO], općina Novi Grad, Sarajevo, Datum fotografisanja: 28.05.2025.godine;
7. Naredba o čuvanju privremeno oduzetih predmeta, Vrhovni sud FBiH Posebni odjel za korupciju, organizovani i međukantonalni kriminal, broj: 70 1 K 000008 25 Kpp od 29.05.2025. godine;
8. Akt - Izvještaj i dr., MUP Kantona Sarajevo, Sektor kriminalističke policije, broj: 02/3-1-03-13-3205/25 od 02.06.2025.godine u čijem prilogu se nalazi:
 - a) Službena zabilješka broj: 02/3-1-359/25 od 30.05.2025.godine;
 - b) Naredba za pretresanje broj: 02/3-1-9/25 od 30.05.2025.godine, izdata na usmeni zahtjev;
 - c) Izvještaj broj: 02/3-1-9/25 od 30.05.2025. godine;
 - d) Zapisnik o pretresanju osobe broj: 02/3-1-9/25 od 30.05.2025. godine;
 - e) Zapisnik o pretresanju broj: 02/3-1-26/25 od 30.05.2025. godine;
 - f) Potvrda o privremenom oduzimanju predmeta broj: 02/3-1-101/25 od 30.05.2025.godine;
 - g) Potvrda o privremenom oduzimanju predmeta broj: 02/3-1-102/25 od 30.05.2025.godine;
 - h) Mobilni telefonski uređaj oduzet po potvrdi broj: 02/3-1-101/25 od 30.05.2025.godine, Redmi, model 23021RAA2Y, u kojem se nalazi SIM kartica telefonskog broja 063 [REDAKTIRANO];
9. Akt, MUP Kantona Sarajevo, Sektor kriminalističke policije, broj: 02/3-1-03-13-3205/25 od 23.10.2025.godine u čijem prilogu se nalazi:
 - a) Foto-dokumentacija broj O.R. 731/25 od 17.10.2025.godine, sa oznakom: PREDMET: Pretres, Mjesto: Ulica [REDAKTIRANO], općina Centar, Sarajevo, Datum fotografisanja: 30.05.2025.godine (23 fotografije);
10. Naredba za čuvanje privremeno oduzetih predmeta, Vrhovni sud FBiH Posebni odjel za korupciju, organizovani i međukantonalni kriminal, broj: 70 0 1 K 000008 25 Kpp 3 od 02.06.2025.godine;
11. Dopis, Vrhovni sud FBiH Posebni odjel za korupciju, organizovani i međukantonalni kriminal, broj: 70 0 1 K 000008 25 Kpp 2 od 03.09.2025.godine u čijem prilogu se nalazi:
 - a) Službena zabilješka broj 70 1 K 000008 25 Kpp 2 od 30.05.2025.godine;
 - b) Naredba za izdavanje privremeno oduzetih predmeta broj 70 1 K 000008 25 Kpp 2 od 03.09.2025.godine;

12. Akt - Dostavljanje Odluke o ukidanju oznake tajnosti, Obavještajno-sigurnosna agencija BiH Sarajevo, broj: 05-37624/25 od 09.09.2025.godine u čijem prilogu se nalazi:
 - a) Odluka o ukidanju oznake tajnosti akata Obavještajno-sigurnosne agencije Bosne i Hercegovine, broj: 05-37589/25 od 09.09.2025.godine;
13. Akt – Odgovor na upit, Obavještajno-sigurnosna agencija BiH Sarajevo, broj: P-05-22379/25 od 30.05.2025.godine u čijem prilogu se nalazi:
 - a) Ovjerena kopija Akta – Informacije, broj ████████/20 od 16.06.2020.godine dostavljene tužiteljici Kantonalnog tužilaštva Kantona Sarajevo, J.K.;
14. Omot spisa za informaciju sa oznakom tajnosti-POVJERLJIVO u čijem prilogu se nalazi Akt – Informacija, broj ████████/20 od 16.06.2020.godine dostavljene tužiteljici Kantonalnog tužilaštva Kantona Sarajevo, J.K.;
15. Akt, Kantonalno tužilaštvo Kantona Sarajevo, broj: A-490/25 od 13.06.2025.godine u čijem prilogu se nalazi:
 - a) Službena zabilješka Šefa krivične pisarne, Kantonalno tužilaštvo Kantona Sarajevo broj A-490/25 od 13.06.2025.godine;
 - b) Ovjerena fco. Zapisnika o saslušanju svjedoka P.S., Federalna uprava policije Sarajevo, broj: 12/1- 155/19 od 13.12.2019. godine;
16. Akt-Informacija, Kantonalno tužilaštvo Kantona Sarajevo, broj: A-490/25 od 25.06.2025.godine u čijem prilogu se nalazi:
 - a) Fco.Informacija o statusu predmeta, Kantonalno tužilaštvo Kantona Sarajevo, broj: T09 0 KT 0144956 21 od 24.06.2025.godine;
 - b) Fco.Interni akt, Kantonalno tužilaštvo Kantona Sarajevo, broj: A-490/25 od 17.06.2025.godine;
17. Akt-Informacija i dokumentacija, Kantonalno tužilaštvo Kantona Sarajevo, broj: A-490/25 od 04.12.2025.godine u čijem prilogu se nalazi:
 - a) Fco.Informacija Šefice pisarne broj:A- 490/25 od 03.12.2025.godine sa priložima navedenim u Informaciji-ispis iz TCMS-a (9 listova);
 - b) Dopis Stručnog saradnika za TCMS, broj:A-490/25 od 03.12.2025.godine sa priložima navedenim u dopisu-ispis iz TCMS-a (3 lista);
18. Akt – Zahtjev za osiguranje dokaza, Federalna uprava policije Sarajevo, broj: 11-13-13/2-1-03-2381/25/SP od 02.06.2025.godine u čijem prilogu se nalazi:
 - a) Ispis Zahtjeva za zamrzavanje podataka;
19. Naredba za pretres mobilnog telefonskog aparata, Vrhovni sud FBiH Posebni odjel za korupciju, organizovani i međukantonalni kriminal, broj: 70 0 1 K 000008 25 Kpp 4 od 03.06.2025.godine;
20. Naredba za pretres mobilnog telefonskog aparata, Vrhovni sud FBiH Posebni odjel za korupciju, organizovani i međukantonalni kriminal, broj: 70 0 1 K 000008 25 Kpp 2 od 02.06.2025.godine;
21. Akt – Izvještaji i dr., MUP Kantona Sarajevo, Sektor kriminalističke policije, broj:02/3-1-03-13-3205/25 od 11.06.2025.godine u čijem prilogu se nalazi:
 - a) Fco. Naredbe za pretres mobilnog telefonskog aparata Posebnog odjela za korupciju, organizovani i međukantonalni kriminal Vrhovnog suda FBiH, broj: 70 1 K 000008 25 Kpp 4 od 03.06.2025. godine;

- b) Fco. Naredbe za pretres mobilnog telefonskog aparata Posebnog odjela za korupciju, organizovani i međukantonalni kriminal Vrhovnog suda FBiH, broj: 70 1 K 000008 25 Kpp 2 od 02.06.2025. godine;
 - c) Izvještaj, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-28/25 od 05.06.2025. godine;
 - d) Zapisnik o pretresanju pokretnih stvari - mobilnog telefonskog aparata, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj:02/3-1-28/25 od 05.06.2025. godine;
 - e) Službena zabilješka, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-363/25 od 02.06.2025. godine;
 - f) Izvještaj, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-29/25 od 11.06.2025. godine;
 - g) Zapisnik o pretresanju pokretnih stvari - mobilnog telefonskog aparata, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-29/25 od 11.06.2025. godine, sa prilogom punomoći Advokat D.B. od 04.06.2025. godine;
 - h) Službena zabilješka, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-366/25 od 03.06.2025. godine;
22. Jedna prozirna fascikla u kojoj se nalazi manja smeđa vreća sa oznakom: Jedan eksterni hard disk marke Intenso, Serijskog broja: 6021560, kapaciteta 1TB od 11.06.2025.godine;
23. Foto-dokumentacija, broj O.R. 748/25 od 11.09.2025.godine, sa oznakom: PREDMET: Pretres, Mjesto: [REDACTED], Istočno Sarajevo, datum fotografisanja: 05.06.2025.godine (12 fotografija);
24. Naredba za vještačenje, Posebni odjel za suzbijanje korupcije, organizovanog i međukantonalnog kriminala Federalnog tužilaštva FBiH, broj: T21 0 KTPO 0000164 25 od 13.06.2025.godine;
25. Akt - Izvještaj o vještačenju, Agencija za forenzička/forenzična ispitivanja i vještačenja, broj: 14-4-2-04-1-300-5/25 od 21.07.2025.godine u čijem se prilogu nalazi:
- a) Izvještaj o vještačenju broj: 14-4-2-04-1-300-4/25 od 21.07.2025.godine;
 - b) USB sa izvještajima iz forenzičkih programa;
 - c) Predmet vještačenja-Prozirna fascikla u kojoj se nalazi zatvorena bijela koverta sa trakom dokazi na kojoj piše: Mobilni telefon Iphone 13 PRO MAX VL. M.S., Potvrda broj: 02/3-1-93/25 od 28.08.2025.godine;
26. Akt - Informacija, Kantonalno tužilaštvo Kantona Sarajevo, broj: A-490/25 od 30.05.2025.godine u čijem prilogu se nalazi:
- a) Službena zabilješka tehničkog sekretara, Kantonalno tužilaštvo Kantona Sarajevo od 30.05.2025.godine;
 - b) Službena zabilješka Stručnog savjetnika za poslove uprave, Kantonalno tužilaštvo Kantona Sarajevo od 30.05.2025.godine;
27. Naredba za vještačenje, Posebni odjel za suzbijanje korupcije, organizovanog i međukantonalnog kriminala Federalnog tužilaštva FBiH, broj: T21 0 KTPO 0000164 25 od 12.06.2025. godine;

28. Nalaz vještaka mr.sci IT V.Đ. od 30.06.2025.godine;
29. Akt - Informacija, Visoko sudsko i tužilačko vijeće BiH, broj:03-09-6-2099-2/2025 od 18.06.2025.godine u čijem prilogu se nalazi:
 - a) Ovjeren a fco. Odluka Prvostepene disciplinske komisije broj 04-07-6-2288-10/2017 od 30.11.2017.godine;
 - b) Ovjeren a fco. Odluka Prvostepene disciplinske komisije broj 04-07-6-2633-11/2020 od 22.12.2020.godine;
 - c) Ovjeren a fco. Odluka Prvostepene disciplinske komisije broj 04-07-6-2633-10/2020 od 21.12.2020.godine;
 - d) Ovjeren a fco. Odluka Prvostepene disciplinske komisije broj 11-07-6-882-10/2022 od 25.05.2022.godine;
 - e) Ovjeren a fco. Odluka Drugostepene disciplinske komisije broj 11-07-6-882-13/2022 od 25.08.2022.godine;
 - f) Ovjeren a fco. Odluka Vijeća broj 11-07-6-882-16/2022 od 29.09.2022. godine;
30. Akt Visokog sudskog i tužilačkog vijeća BiH, broj 11-07-6-1958-4/2025 od 02.12.2025. godine u prilogu kojeg se nalazi kopija Odluke Prvostepene disciplinske komisije Visokog sudskog i tužilačkog vijeća BiH, broj [REDACTED] od 04.06.2025. godine o privremenom udaljenju sa dužnosti kantonalne tužiteljice J.K.;
31. Službena zabilješka, MUP Kantona Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-348/25 od 27.05.2025.godine;
32. Zapisnik o ispitivanju osumnjičene, Posebni odjel za suzbijanje korupcije, organizovanog i međukantonalnog kriminala Federalnog tužilaštva FBiH, broj: T21 0 KTPO 0000164 25 od 18.12.2025. godine;
33. Izvod iz operativne i kaznene evidencije, Policija Brčko distrikta BiH, broj: 14.02-04.2-91312/25 od 08.12.2025. godine;

Rezultati istrage su potvrdili navode optužnice, da postoji osnovana sumnja da je osumnjičena J.K. počinila krivično djelo Odavanje službene tajne iz člana 388. stav 3. u vezi sa stavom 1. KZ FBiH na način opisan u optužnici, a što proizlazi iz izjava svih saslušanih svjedoka, te prikupljene materijalne dokumentacije. Da je J.K., M.S., komunicirajući s istim putem platforme TikTok, poslala fotografiju akta Obavještajno-sigurnosne agencije BiH, broj [REDACTED]/20 od 16.06.2020. godine, sa oznakom POVJERLJIVO, na kojem su prekriveni podaci o stepenu povjerljivosti akta, te fotografiju transkripta razgovora određenih osoba od 01.06.2020. godine, kao prilog tog akta, te zadnju stranicu izjave svjedoka P.S., na kojoj su prekrivena imena tužioca, zapisničara i OSL, proizilazi iz izjave svjedoka M.S., Zapisnika o uviđaju te iz nalaza vještačenja telefona koji je privremeno oduzet od svjedoka. Osumnjičena je kao kantonalna tužiteljica i postupajuća tužiteljica u predmetu broj T09 0 KTO 0144956 22 (ranije T09 0 KTA 0144956 19) imala pristup ovim dokumentima koji su bili dokazi u navedenom spisu i koji su pronađeni u njenoj kancelariji u Kantonalnom tužilaštvu KS. Ista je bila svjesna da navedeni dokumenti predstavljaju službenu tajnu i da sadrže naročito povjerljive podatke, što, osim činjenice da je sa Zakonom o zaštiti tajnih podataka te Pravilnikom o unutrašnjem poslovanju, organizaciji i sistematizaciji radnih mjesta Kantonalnog tužilaštva Kantona Sarajevo, broj A-967/24 od 06.12.2024. godine bila upoznata kao kantonalna tužiteljica te postupajući tužilac u predmetu u kojem nije bila skinuta oznaka tajnosti

sa dokumenta OSA BiH, proizilazi i iz sadržaja komunikacije sa M.S. i redigovanju dijela dokumenta (oznake povjerljivosti sa dokumenta OSA-e BiH te imena ovlaštenih službenih osoba i zapisničara sa Zapisnika o saslušanju svjedoka).

Svjedoci, tužiteljice i šefica pisarne Kantonalnog tužilaštva KS, su u svojim izjavama potvrdile da je osumnjičena bila jedini postupajući tužilac u ovom krivičnom predmetu, od njegovog formiranja 2019. godine do presignacije na drugog tužioca 13.06.2025. godine te da je Zapisnik o saslušanju svjedoka P.S. pronađen u njenoj kancelariji. Pretresom kancelarije je pronađen i privremeno oduzet dokument OSA-e BiH.

Shodno svemu navedenom tužilaštvo smatra da postoje nesporni dokazi koji potvrđuju osnovanu sumnju da je osumnjičena, na način, vrijeme i mjesto opisano u dispozitivu optužnice, počinila krivično djelo koje joj se ovom optužnicom stavlja na teret.

Dokazi koji potkrepljuju navode iz optužnice:

Svi dokazi navedeni kao dokazi koje treba izvesti na glavnom pretresu, kao i:

1. Zapisnik o saslušanju svjedoka S.M., MUP K Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-637/25 od 27.05.2025. godine;
2. Zapisnik o saslušanju svjedoka S.M., MUP K Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-707/25 od 12.06.2025. godine;
3. Zapisnik o saslušanju svjedoka S.M., Posebni odjel za suzbijanje korupcije, organizovanog i međukantonalnog kriminala Federalnog tužilaštva FBiH, broj: T21 0 KTPO 0000164 25 od 04.12.2025. godine;
4. Zapisnik o saslušanju svjedoka D.S., Posebni odjel za suzbijanje korupcije, organizovanog i međukantonalnog kriminala Federalnog tužilaštva FBiH, broj: T21 0 KTPO 0000164 25 od 24.09.2025. godine;
5. Zapisnik o saslušanju svjedoka A.H., Posebni odjel za suzbijanje korupcije, organizovanog i međukantonalnog kriminala Federalnog tužilaštva FBiH, broj: T21 0 KTPO 0000164 25 od 18.12.2025. godine;
6. Zapisnik o saslušanju svjedoka M.D., MUP K Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-868/25 od 16.07.2025. godine;
7. Zapisnik o saslušanju svjedoka S.S., MUP K Sarajevo, Sektor kriminalističke policije-Odjeljenje za privredni kriminal i borbu protiv korupcije, broj: 02/3-1-869 /25 od 16.07.2025. godine;

Tužilaštvo predlaže da Sud u skladu sa članom 202. istog Zakona obaveže osumnjičenu na plaćanje troškova krivičnog postupka.

Na osnovu člana 78. stav 1. KZ FBiH, Tužilaštvo predlaže da Sud od J.K. trajno oduzme mobilni telefon marke Redmi, model 23021RAA2Y, svijetloplave boje, sa zaštitnom silikonskom

maskom, u kojem se nalazi SIM kartica telefonskog broja 063 [REDACTED], privremeno oduzet po Potvrdi o privremenom oduzimanju predmeta, MUP KS, Uprava policije, Sektor kriminalističke policije, Odjeljenje za privredni kriminal i borbu protiv korupcije, broj: 02/3-1-101/25 od 30.05.2025. godine.

Na osnovu člana 71. stav 1. tačka c) KZ FBiH, člana 76. stav 2. u vezi sa stavom 1. KZ FBiH i člana 420. ZKP FBiH, Tužilaštvo podnosi:

PRIJEDLOG ZA IZRICANJE SIGURNOSNE MJERE

Tužilaštvo predlaže da Sud, ukoliko nakon provedenog glavnog pretresa, J.K. bude oglašena krivom, prema istoj izrekne sigurnosnu mjeru *zabrana vršenja poziva, aktivnosti ili funkcija* i to: Zabrana obavljanja funkcije nosioca pravosudne funkcije na teritoriji cijele Bosne i Hercegovine i poslova stručnog savjetnika, saradnika i istražitelja u pravosudnim institucijama na teritoriji cijele Bosne i Hercegovine u trajanju od deset godina, računajući od dana pravosnažnosti presude.

Tužilaštvo smatra da postoji dovoljno dokaza koji potkrepljuju osnovanu sumnju da je osumnjičena J.K. počinila krivično djelo koje joj se stavlja na teret, zbog čega predlažem da sudija za prethodno saslušanje potvrdi ovu optužnicu.

**FEDERALNA TUŽITELJICA
N.Š.**